

ŽIVOT BLAHOŠLAVENÉHO HROZNATY

Fontes rerum Bohemicarum I. 372-373

(c. 8 - *De fundatione monasterii Teplensis*) Prosperatus in itinere uenit in Boemiam, patriam sue natiuitatis optatam, ubi corpori laboribus in itinere fatigato, aliquantula quiete indulta, locum amenum querit et aptum, in quo ad laudem dei et honorem virginis gloriose fundamenta claustrum primordia iaciantur: et inuento loco, in quo nunc monasterii altitudo consurgit, corruens in terram sic ait: qui de uirgine nasci dignatus es, prepara in hoc loco habitationem seruiciis tuis aptam. Et surgens ab oratione ligone arrepto profundius terram sulcat et aliquot cophinos terra honestos de fundamento primus in humeris suis portat. Nomenque indidit Topla a burgo vicino, qui ab incolis uilgariter Tepla uocatur. Est autem claustrum fundatum in optimo loco terre: nam situs loci aliquantulum est sublimis, ab uno latere cinctus siluis et pratis, uarietate florum undique purpuratus, fluentibus in medio aquis irriguis et piscosis, pellentibus circulares ambitus molendinorum, humanis habitationibus opportunus et sanus, et religioni conueniens supra modum: locus, inquam, gracia diuina perfusus, in quo domino militantes de bonis fiunt meliores, et de melioribus optimi, de uirtute in uirtutem gradatim proficientes ad perfeccionem, prout per effectum clarius luce liquet. Nam religione crescente licet plantacio sit novella, inter alias tamen professiones religionis eiusdem, in edificiorum structuris, prediis, et redditibus deo incrementum prestante prosperatur et crescit, ut taceam de monasterio sancte Marie uirginis matris Christi, patrone ipsius, quod in altum erectum quum inexplicabili opere structure mirifice et sublimis, muris eciam ualidis et excelsis, columnis sublimibus testudinis firmitudine et pulchritudine fulciatur: ornatu interius rutilans, campanarum sonoritate precellens, ut nihil supra per omnem regionem illam uel fuisse uel futurum esse celebri sermone feratur. Quod quia per se summo omnium rerum auctori placere non potuit, ut adhuc amplius et dignius resplenderet, quam plurimis deo psallentibus preconibus, et ministris sibi completentibus, sub regula s. Augustini ordinis Premonstratensis, laudabiliter couersantibus, adornatum est.